

Na osnovu člana 23. Pravilnika o bližim kriterijima za izbor lijekova, postupku i načinu izrade listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i promotnika lijekova uvrštenih na liste lijekova, kao i korištenje lijekova („Službene novine Federacije Bosne i Hercegovine“, broj 45/13), Odluke Vlade Tuzlanskog kantona o uslovima i načinu formiranja radnih tijela Vlade Tuzlanskog kantona, upravnih organizacija i organa uprave Tuzlanskog kantona („Službene novine TK“, broj, 06/12, 14/15 i 11/17), Odluke o uslovima, načinu i postupku imenovanja predsjednika i članova Komisije za stavljanje i skidanje lijekova na liste lijekova u Tuzlanskom kantonu broj: broj: 13/1-33-7050/20 od 24.03.2020. godine, Ministarstvo zdravstva objavljuje

P O Z I V

za dostavljanje prijedloga za predsjednika i/ili člana Komisije za stavljanje i skidanje lijekova na liste lijekova u Tuzlanskom kantonu

I

Objavljuje se Poziv svim zaposlenim u zdravstvenom sektoru Tuzlanskog kantona za dostavljanje prijedloga za predsjednika i/ili člana Komisije za stavljanje i skidanje lijekova na liste lijekova u tuzlanskom kantonu.

Komisija se sastoji od maksimalno 9 članova i čine je istaknuti stručnjaci zdravstvene, farmaceutske, ekonomske i pravne struke.

Komisija ima predsjednika i članove Komisije.

II

Predsjednik i članovi Komisije dužni su čuvati kao profesionalnu tajnu sve podatke koje saznaju tokom obnašanja svoje funkcije predsjednika ili člana Komisije, pa i nakon prestanka funkcije.

III

Zadatak Komisije je:

- razmatranje zahtjeva za stavljanje lijekova na kantonalne liste lijekova,
- praćenje primjene listi lijekova na području kantona i predlaganje Ministru skidanje lijekova sa kantonalnih listi lijekova u slučajevima predviđenim federalnim propisima,
- usaglašavanje i sačinjavanje Liste lijekova koji se mogu propisivati i izdavati na teret sredstava obaveznog zdravstvenog osiguranja Tuzlanskog kantona sa Listom lijekova obaveznog zdravstvenog osiguranja Federacije Bosne i Hercegovine (u daljem tekstu: Federalna lista lijekova),
- usaglašavanje i sačinjavanje Pozitivne liste lijekova Tuzlanskog kantona sa Federalnom listom lijekova,
- praćenje potrošnje lijekova, analiziranje izvještaja o potrošnji lijekova sa pozitivne liste lijekova Kantona, kao i, u saradnji sa Zavodom zdravstvenog osiguranja Tuzlanskog kantona, učešće u izradi izvještaja o potrošnji lijekova prema Federalnom ministarstvu zdravstva i predlaganje mjera za racionalnu upotrebu lijekova i medicinskih sredstava, kao i mjera u cilju osiguranja dostupnosti stanovništvu kvalitetnih, provjerenih i ekonomičnih lijekova;
- praćenje državnih i federalnih propisa koji uređuju oblast prometa lijekova i učešće u izradi kantonalnih propisa i odluka koje su u vezi sa ovom oblašću.

IV

U svom radu Komisija je dužna da postupa u skladu sa Zakonom o lijekovima i medicinskim sredstvima, Zakonom o lijekovima i podzakonskim aktima donesenim na osnovu ovih zakona. Komisija je za svoj rad odgovorna Ministru.

V

Komisija ima sekretara koji obavlja administrativne i stručne poslove za potrebe Komisije.

VI

Komisija, kao stalno radno tijelo Ministarstva zdravstva, obrazuje se za period od 1 (jedne) godine. Ministarstvo može, po potrebi, radi konsultacija, angažovati i druge osobe za pomoć u radu Komisije.

Sjednice Komisije će se održavati u Ministarstvu, poslije radnog vremena.

VII

Komisija ima pravo na naknadu.

Obračun i isplata novčane naknade za rad u Komisiji vršit će se na osnovu posebnog rješenja Ministra, u skladu sa odlukom Vlade Tuzlanskog kantona.

VIII

U sastav komisije mogu se imenovati istaknuti stručnjaci:

- a) zdravstvene,
- b) farmaceutske,
- c) ekonomske i
- d) pravne struke.

Uslovi koje treba da ispunjavaju lica iz stava 1. ove tačke su:

- a) da imaju visoku stručnu spremu odgovarajućeg zanimanja,
- b) najmanje pet godinu radnog iskustva nakon sticanja visoke stručne spreme na poslovima u okviru svog zanimanja,
- c) da nisu otpušteni iz državne službe kao rezultat disciplinske mjere, na bilo kojem nivou vlasti u BiH u periodu od tri godine prije dana objavljivanja poziva,
- d) da nisu osuđivani za krivično djelo,
- e) da nisu kažnjavani iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti,
- f) da se na njih ne odnosi član IX 1. Ustava BiH,
- g) da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji BiH („Službene novine Federacije BiH, broj: 70/08),
- h) da nisu bili vezani za izradu stručnih mišljenja, farmakoterapijskih i farmakoekonomskih studija i drugih stručnih materijala i studija za proizvođače lijekova odnosno nosioce dozvole za stavljanje lijeka u promet koji podnose zahtjev za uvrštavanje lijeka/ova na listu lijekova,
- i) da su uposleni u organima upravljanja, javnim ustanovama ili zavodima koji su nadležni za provođenje pružanja zdravstvene zaštite na području Tuzlanskog kantona.

IX

Svi zainteresovani zaposleni u zdravstvenom sektoru Tuzlanskog kantona mogu se prijaviti na ovaj Poziv, dostavljanjem popunjenog i potpisanog Obrasca iz priloga, preporučenom poštom na adresu: Rudarska 57, 75000 Tuzla, lično putem pisarnice Vlade Tuzlanskog kantona, uz naznaku „Prijava na Poziv - Komisija za lijekove TK“- NE OTVARATI, ili skenirano putem maila: minzdr@tk.kim.ba.

Rok za dostavljanje prijave je 7 dana od dana objavljivanja na web stranici Ministarstva.

Nakon pristiglih prijedloga Ministarstvo će sačiniti listu kandidata koji zadovoljavaju uslove propisane tačkom VIII ovog Poziva.

Ministar zdravstva će, na osnovu liste kandidata, donijeti Rješenje o imenovanju Komisije, a imenovanim će biti dostavljeno Rješenje.

Kandidati koji budu imenovani, dužni su, nakon prijema Rješenja, dostaviti dokumentaciju kojom dokazuju uslove iz tačke VIII ovog Poziva.

X

Poziv će biti objavljen na web stranici i oglasnoj tabli Ministarstva.

Bosna i Hercegovina
Federacija Bosne i Hercegovine
TUZLANSKI KANTON
Ministarstvo zdravstva

MINISTRICA
dr. stom. Dajana Čolić

Broj: 13/1-33-7050-1/20
Tuzla, 31.03.2020. godine

**PRIJAVA - PRIJEDLOG ZA PREDSEDNIKA I/ILI ČLANA KOMISIJE ZA
STAVLJANJE I SKIDANJE LIJEKOVA NA LISTE LIJEKOVA U TUZLANSKOM
KANTONU**

R. br.	USTANOVA/ZAVOD	
1.	Ime i prezime	
2.	Godina rođenja	
3.	Stručna sprema (VSS-Fakultet)	
4.	Adresa prebivališta	
5.	Specijalizacija	
6.	Akadska titula	
7.	Radno iskustvo u struci (godine)	
8.	<p>Pod punom moralnom, materijalnom i krivičnom odgovornošću izjavljujem:</p> <ul style="list-style-type: none">a) da nisam otpušten/a iz državne službe kao rezultat disciplinske mjere, na bilo kojem nivou vlasti u BiH u periodu od tri godine prije dana objavljivanja poziva;b) da nisam osuđivan/a za krivično djelo;c) da nisam kažnjavaan/a iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti;d) da se na mene ne odnosi član IX 1. Ustava BiH;e) da nisam izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH, broj: 70/08);f) da nisam bio/bila vezana za izradu stručnih mišljenja, farmakoterapijskih i farmakoekonomskih studija i drugih stručnih materijala i studija za proizvođače lijekova odnosno nosioce dozvole za stavljanje lijeka u promet koji podnose zahtjev za uvrštavanje lijeka/ova na listu lijekova;g) da ću čuvati kao profesionalnu tajnu sve podatke koje saznam tokom obnašanja svoje funkcije predsjednika ili člana Komisije, pa i nakon prestanka funkcije.	

Mjesto i datum

Potpis